

ENTI RREGULLATOR I SEKTORIT TE ENERGIJISE ELEKTRIKE

METODOLOGJIA E LLOGARITJES SE TARIFAVE TE OPERATORIT TE SISTEMIT TE SHPERNDARJES SE ENERGIJISE ELEKTRIKE

PJESA I

Kjo metodologji presupozon qe Operatori i Sistemit te Shperndarjes (OSSH) dhe Furnizuesi Publik me Pakice (FPP) do te jene brenda te njejtës kompani

Autoriteti

Metodologjia e llogaritjes se tarifave te shperndarjes se energjise elektrike eshte hartuar ne perputhje me Ligjin Nr 9072., date 22.05.2003 “Per Sektorin e Energjise Elektrike”, i ndryshuar.

Qellimi

Qellimi i kesaj metodologjie eshte percaktimi i tarifave te perdorimit te rrjetit te shperndarjes bazuar ne parime te qarta te tarifimit dhe detajimi i te dhenave te nevojshme per percaktimin e tarifave te drejta dhe transparente.

Objektivi

Objektivi i kesaj metodologjie eshte hartimi inje metodologjie per llogaritjen tarifave per akses ne shperndarje dhe tarifave te perdorimit te rrjetit te shperndarjes per perdoruesit e sistemit shqiptar te shperndarjes, ne perputhje me Traktatin per Komunitetetin e Energjise se Europes Juglindore (ECSEE), si dhe te krijoje mundesite qe klientet jo-tarifore dhe centralet prodhuese tregtare te energjise elektrike te marrin pjese ne tregun rajonal.

1. Termat e perdorur ne metodologji

Termat standarte te perdorur ne te gjitha metodologjite e tarifave percaktohen ne Ligjin Per Sektorin e Energjise Elektrike, Rregullat e Tregut, Kodin e Matjes, Kodin e Transmetimit dhe aktet e tjera nenligjore te miratuara nga ERE.

Termat e perdorura ne kete metodologji kane kuptimin si me poshte:

- 1.1 **Faktori i rregullim/korigjimit vjetor (A)** – nje perqindje e barabarte me faktorin e inflacionit minus faktorin e permiresimit te eficences te aplikuar mbi cmimin tavan te vitit tarifar te meparshem.
- 1.2 **Tarifa baze e shperndarjes – vlerat e** tarifave te sherbimit te shperndarjes te percaktuara sipas kostove ne vitin baze.
- 1.3 **Viti baze** – viti i pare i periudhes se rregullimit
- 1.4 **Klientet tarifore** – Kliente te Furnizuesit Publik me Pakice.
- 1.5 **Viti i Testimit**- nje periudhe 12-mujore para periudhes se rregullimit qe perdoret si baze per percaktimin e kerkeses per te ardhura ne vitin baze per OSSH.
- 1.6 **Faktori i permiresimit te eficences (faktori X)** – reduktimi vjetor ne perqindje i koston se sherbimit te shperndarjes qe rezulton nga permiresimi i eficences operative dhe permiresimet ne teknologji.
- 1.7 **Rregullimi “Cap”** – perdorimi i periudhave te rregullimit ne te cilat te ardhurat apo cmimi maksimal i te licensuarit rregullohen gjate ketyre periudhave te rregullimit.
- 1.8 **Baza e Rregulluar e Aseteve (RAB)** – vlera e aseteve fikse sic percaktohet ne Nenin 6.1 te kesaj metodologjie.
- 1.9 **Periudha Rregullatore** – nje periudhe disavjecare ne te cilen çmimet apo kerkesa per te ardhura lejohen te ndryshojne me norma/nivele te caktuara..

2. Rregulla te pergjithshme dhe parimet baze

- 2.1 Mosperputhja me secilen pjese te kesaj Rregulloreje mund te coje ne refuzim nga ana e ERE-s te aplikimit per tarife te kompanise se shperndarjes.
- 2.2 Kjo metodologji eshte hartuar ne perputhje me Ligjin Per Sektorin e Energjise Elektrike, si dhe aktet e tjera ligjore qe jane ne fuqi ne Republiken e Shqiperise dhe aktet e tjera nenligjore te aprovuara nga ERE.
- 2.3 ERE i percakton tarifat per Operatorin e Sistemit te Shperndarjes duke u bazuar ne parimet si me poshte:
 - Nuk duhet te kete ndersubvencionim midis grupeve te konsumatoreve
 - Tarifat per operatorin e sistemit te shperndarjes duhet te reflektojne koston aktuale te sherbimit per cdo grup konsumatoresh sipas niveleve te tensionit;
 - Tarifat duhet te japin sinjale e duhura per perdorimin me eficence te rrjetit te shperndarjes;
 - Shpenzimet e perfshira ne tarifa duhet te jene transparente per te gjithë palet e interesuara;

- Tarifat duhet t'i lejojnë Operatorit të Sistemit të Shpërndarjes mundësinë e arsyeshme për të realizuar normën e lejuar të fitimit mbi bazën e asetëve të rregulluara, të miratuar nga ERE.
 - Në tarifën e shërbimit të operatorit të sistemit të shpërndarjes do të pranohen vetëm shërbimet dhe asetet e siguruar në mënyrë të kujdesshme ; dhe,
 - Çmimet për shërbimet e shpërndarjes duhet të mbeten relativisht të qëndrueshme gjatë kohës.
- 2.4 Te ardhurat që lidhen me përdorimin e sistemit të shpërndarjes duhet të mbledhen nga klientët tariforë dhe jo tariforë të FPP-se në mënyrë transparente dhe jo-diskriminuese. Grupet e krahasueshme të klientëve tariforë dhe jo –tariforë, si dhe centrat e prodhuesve të lidhura në sistemin e shpërndarjes, duhet të paguajnë të njëjtin tarifë për përdorimin e rrjetit të shpërndarjes, në mënyrë direkte ose indirekte.
- 2.5 Klientëve tariforë do t'u shpërndahen kostot e humbjeve të energjisë në varesi të nivelit të tensionit ku ata furnizohen. Energjia elektrike e përdorur nga klientët që nuk maten tek pika e tyre tregtare e levrimit të shërbimit do të rregullohet në mënyrë që të mbulojnë humbjet e energjisë nga pika tregtare e levrimit tek pika e matjes.
- 2.6 Kosto e blerjes së energjisë së nevojshme për mbulimin e humbjeve në rrjetin e shpërndarjes (sipas objektivitetit të përcaktuar nga ERE sipas kësaj metodologjie) përfshihet në tarifën e shërbimit të shpërndarjes së energjisë elektrike sipas nivelit të tensionit.

3. Periudhat rregullatore, Viti i Testimit dhe Viti Baze

- 3.1 ERE do të përcaktojë periudhat e përshtatshme të rregullimit për operatorin e sistemit të shpërndarjes duke përdorur metodën e rregullimit **“price cap” (çmimi tavan)**.
- 3.2 ERE do të miratojë formatet e tabelave për aplikimet për tarifa. Operatori i sistemit të shpërndarjes do të përdorë formatet e tabelave të miratuara nga ERE kur përgatit aplikimin për çmim për një periudhë rregullimi. Formatet e tabelave mund të modifikohen për sa kohë që informacioni është organizuar në mënyrë të ngjashme dhe detajimi i informacionit nuk është me i vogël se ai i tabelave standarte të miratuara. Tabelat do të tregojnë rezultatet e vitit të testimit, rregullimet e bera për vitin e testimit dhe për vitin baze, duke përfshirë, por jo vetëm, shpenzimet e kompanisë, shpenzimet kapitale dhe bazën e asetëve të rregulluara për shërbimin e rregulluar.
- 3.3 Periudhat e rregullimit për shërbimin e rrjetit të shpërndarjes do të jenë të njëjta me ato të shërbimit të rrjetit të transmetimit.
- 3.4 Tarifa e shpërndarjes do të mbulojë koston e pronësive, ndërtimit, operimit dhe mirëmbajtjes së linjave, kabllave, nënstacioneve të transformimit, transformatoreve, ndertesave dhe pajisjeve të komunikimit që lidhen me to (dhe çdo pajisje/mjet tjetër që lidhet me sigurimin e shërbimit të dhënies së aksesit në rrjetin e shpërndarjes).

- 3.5 Rregullimi “Price cap” aplikohet per tarifen mesatare te shperndarjes. ERE miraton ndryshimin mesatar te cmimit per secilen periudhe rregullatore
- 3.6 Metoda “RPI-X” perdoret per t’i dhene operatorit te sistemit te shperndarjes nje nxitje per te permiresuar eficensen e operacioneve te tij gjate periudhes rregullatore.
- 3.7 Financimi nepermjet borxheve afat-gjata duhet te perdoret per te financuar shpenzimet per riparim dhe rinovim te kapitaleve ekzistuese dhe kapitaleve te reja, por nuk duhet perdorur per te mbuluar kostot operative.
- 3.8 Operatori i sistemit te shperndarjes do te raportoje ne menyre te qarte dhe te sakte kostot e cdo sherbimi te rregulluar, duke perfshire vetem asetet dhe veprimtarite qe lidhen me sherbimet e rregulluara. Metoda e shperndarjes se kosos duhet te jete e plote dhe e kuptueshme; kjo metode do te miratohet nga ERE.
- 3.9 Kostot e perfshira ne tarifate e operatorit te sistemit te shperndarjes do t’i korrespondojne kostove qe do te ishin realizuar nga nje operator i sistemit te shperndarjes i miremenaxhuar qe ben investime te kujdesshme, minimizon humbjet ne rrjet dhe shmang shpenzimet e panevojshme. Gjate percaktimit te tarifave te DSO per vitin baze, ERE ka te drejte te hetoje nivelet e kostove te raportuara nga operator i sistemit te shperndarjes, dhe t’i krahasoje kostot e saj per njesi me operate te tjere te sistemit te shperndarjes ne rajon duke marre ne konsiderate ndryshimet e karakteristikave te ketyre operateve te sistemit te shperndarjes.
- 3.10 Ne pergatitjen e nje aplikimi per tarifa kompania e shperndarjes do te mundohet te paraqese te gjitha kostot me nje saktesi deri ne 100,000 Leke. Rregullatori nuk do te hetoje per shumate me pak se 100,000 Leke pervec kur ka nje mosmarreveshje lidhur me kompensimin ose pagesen e personave te vecante fizike.

4. Bilancet e energjise elektrike dhe te fuqise

- 4.1 Bilanci i energjise elektrike te sistemit te shperndarjes per vitin baze do te pregatitet duke perlllogaritur sasine totale te energjise ne GWh te marre nga operatori i sistemit te shperndarjes gjate vitit baze. Ky total eshte i barabarte me energjine e marre nga sistemi i transmetimit plus energjine e marre nga burimet prodhuese te lidhura me sistemin e shperndarjes. Energjia totale e marre duhet te ndahet ne :
 - a) energji e levruar klienteve tarifore te FPP
 - b) energji e levruar klienteve jo-tarifore
 - c) humbjet teknike te energjise ne sistemin e shperndarjes
 - d) humbjet jo-teknike te energjise ne sistemin e shperndarjes
- 4.2 Bilanci i fluksit te pikut koicidues te ngarkeses se sistemit te shperndarjes do pregatitet duke perlllogaritur fuqine totale ne MW te marre nga sistemi i shperndarjes ne oren e pikut. Ky total eshte i barabarte me fuqine e marre nga sistemi i transmetimit plus fuqine e marre nga centralet gjeneruese te lidhur me sistemin e shperndarjes. Fuqia totale e marre duhet te ndahet ne:

- a) fuqia e levruar klienteve tarifore te FPP
 - b) fuqia e levruar klienteve jo-tarifore
 - c) humbjet teknike te fuqise ne sistemin e shperndarjes
 - d) humbjet jo-teknike te fuqise ne sistemin e shperndarjes.
- 4.3 Kompania e shperndarjes do te llogarise shumen totale te te gjithë ngarkesave jo-koincidues sipas niveleve te tensionit per te gjithë klientet me kapacitet te lidhur me te madh se 50 kVA.
- 4.4 Bilancet e energjise dhe te fuqise per sistemin e kombinuar te transmetimit dhe te shperndarjes nuk jane nje zevendesues i pranueshem i bilanceve per sistemin e shperndarjes.
- 4.5 Per secilin nga dhjete vitet e fundit, humbjet e energjise ne sistemin e shperndarjes duhet te tregohen si nje perqindje e energjise se marre nga sistemi i shperndarjes.

5. Kërkesa per te ardhura per Vitin Baze

- 5.1 Shpenzimet e vitit te testimi per percaktimin e kosos baze financiare do te bazohet ne informacionin kontabel ne perputhje me Sistemin Uniform te LLogarive te aprovuara nga ERE. Viti i testimi do te jete nje periudhe historike 12 -mujore perfaqesuese e kostove operative te kompanise. ERE, gjate procedimit te aplikimit per tarife, ka te drejte te kryej, ose kontraktoje per te kryer, nje auditim rregullator te informacionit kontabel te vitit testues te kompanise se shperndarjes.
- 5.2 Operatori i sistemit te shperndarjes mund te propozoje ndryshime te rezultateve te shpenzimeve te vitit te testimi per percaktimin e tarifave per vitin baze te periudhes se ardhshme rregullatore. Cdo ndryshim i tille duhet te jete i njohur (nje artikull i vecante) dhe i matshem nga ana sasiore . Fondet e planifikuara per mbulimin e kostove te ngjarjeve te pasigurta apo te pa parashikuara, nuk do te miratohen nga ERE. ERE do te marre ne konsiderate rregullime ne vitin e testimi te tilla si:
- 1) ndryshimi i kerkeses;
 - 2) inflacioni;
 - 3) ndryshime ne cmimin e kontraktuar;
 - 4) ndryshime ne taksa dhe sigurime;
 - 5) numri i klienteve te sherbyer;
 - 6) rritje e nivelit te asetave baze te rregulluara;
 - 7) kosto e kapitalit;
 - 8) niveli i shpenzimit te amortizimit; dhe,
 - 9) faktori i eficences.
- 5.3 Operatori i Sistemit te Shperndarjes duhet te paraqese justifikime per cdo rregullim/korigjim te parashikuar te rezultateve te vitit te testimi. Rregullimet duhet te specifikohen ne tabelat e paraqitura nga Operatori i Sistemit te Shperndarjes ne aplikimin per cmim, si dhe deshmi me shkrim duke dhene prova per arsyet dhe nivelin e cdo korigjimi/rregullimi.

5.4 Per shërbimet e licensuara të rregulluara sipas metodës “price cap”, Operatori i Sistemit të Shpërndarjes do të paraqesë faktorët e rregullimit të vlerësuar/parashikuar, të cilët që do të përfshihen në çdo vit të periudhës së rregullimit. Këta faktorë do të përfshijnë:

- 1) Bazën mesatare vjetore kumulative të asetëve të rregulluar për periudhën rregullatore;
- 2) Humbjet totale të energjisë;
- 3) Faktorin vjetor të inflacionit; dhe,
- 4) Faktorin vjetor të përmirësimit të efikasitetit.

5.5 Kërkesat për të ardhura për vitin bazë do të llogariten si vijon:

$$RR = C + (RAB * WACC)$$

ku:

RR janë kërkesat vjetore për të ardhura ;

C kosto e lejuar vjetore e operimit për aktivitetin e licensuar,

RAB Baza e Rregulluar e Asetëve;

WACC = Mesatarja e Ponderuar e Kostos së Kapitalit për taksave

$$WACC = [ES * ARoE / (1-T)] + (DS * CoD)$$

$$ES + DS = 1$$

Ku:

ES = Objektivi për raportin e kapitalit të vet në RAB

T = Norma e takses së korporatës

ARoE = Norma e lejuar e kthimit mbi kapitalin e vet pas takse

DS = Objektivi për raportin e borxhit në RAB

CoD = Kosto e borxhit

5.6 Pagesat në lidhje me qeramarrjen (për shëmbull, marrja me qera e automjeteve) mund të përfshihen në shpenzimet operative.

5.7 Kostot operative të operatorit të sistemit të shpërndarjes që mund të përfshihen në kërkesën për të ardhura për shërbimet e licensuara, specifikohen në tabelat standarte të aplikimit për tarife.

- 5.8 Operatori i sistemit te shperndarjes do te paraqese per miratim nga ERE nivelin mesatar te humbjeve teknike per cdo nivel tensioni ne rrjetin e shperndarjes. Kosto e blerjes se energjise/kapacitetit per te mbuluar humbjet jo teknike te energjise do te jete nje shpenzim operativ qe i alokohet FPP (klienteve tarifore) ne nivele te ndryshme te tensionit. Kosto e blerjes se energjise/kapacitetit per te mbuluar humbjet teknike te energjise do te jete nje shpenzim operativ i OSSH qe i alokohet sherbimit per perdorim te rrjetit ne nivele te ndryshme te tensionit.
- 5.9 Kerkesat per te ardhurat perfshijne te gjitha pagesat qe kompania e shperndarjes kryen tek ERE, me perjashtim te gjobave dhe kostove qe kane lidhje me sanksione.

6. Kthimi mbi Bazën e Rregulluar të Aseteve

- 6.1 Baza e Rregulluar e Aseteve per sherbimin e licensuar perfshin asetet materiale dhe jo-materiale minus amortizimin e akumuluar plus nje pjese te kapitalit te punes. RAB llogaritet sipas formule ne vijim:

$$RAB = A - CG - D + WC + INV ;$$

ku:

RAB Baza e Aseteve te Rregulluara;

A vlera e njohur e aseteve te perdorura dhe te dobishme ne fillim te periudhes rregullatore;

CG vlera e aseteve te perftuara nepermjet dhurimit ose te ndertuara me burime financiare te konsumatoreve te energjise elektrike.

D amortizimi i akumuluar per periudhen e kaluar te aseteve te perdorura per kryerjen e aktivitetit te licensuar; Amortizimi i investimeve te reja gjate periudhes rregullatore do te jete e barabarte me mestaren vjetore kumulative te amortizimit te mesvitit.

WC kerkesa per kapitalin e punes;

INV vlera mesatare nominale kumulative e investimeve e parashikuar per mesvitin, te miratuar nga ERE, qe do te investohen gjate periudhes se rregullimit.

- 6.2 ERE do te aprovoje RAB per vitin baze. Jo te gjitha asetet e kompanise se shperndarjes mund te perfshihen ne Bazën e Rregulluar të Aseteve per nje sherbim te licensuar, te cilit i caktohet cmim i veçante. Asetet qe nuk e mbeshtesin sherbimin e licensuar do te perjashtohen nga asetet baze te rregulluar. Shembuj te aseteve te perjashtuara jane asetet e perdorura per aktivitetet e palicensuara, pajisjet/mjetet e argetimit, dhe asetet mbi vleren e tregut te blera nga operatori i sistemit te shperndarjes, etj. ERE, duke u bazuar ne vleresimin e konsulentit ose stafit te saj, duhet te percaktoje vleren e tregut vetem ne rast te nivelit te diskutueshem te investimeve.
- 6.3 Nje nivel i kujdesshem i investimeve, i miratuar nga ERE, mund te perfshihet ne bazen e rregulluar te aseteve, te cilat mbeshtetin sherbimet e operatorit te sistemit te

shperndarjes per periudhat fillestare te rregullimit. Operatori i sitemit te shperndarjes do te paraqese ne ERE nje deshmi te shkruar mbi ndarjen e programit te propozuar te investimeve per periudhen e rregullimit, duke dhene shpjegime se ne c' menyre secila kategori kryesore do te jape shtesat e nevojshme ne kapacitet ose do permiresoje sherbimin dhe performancen e cilesise se furnizimit me energji elektrike.

- 6.4 Operatori i sistemit te shperndarjes do te tregojte amortizimin e akumuluar te llogaritur per te gjitha asetet qe perfshihen ne bazen e rregulluar te aseteve (RAB) pergjate vitit te fundit te periudhes korrente rregullatore, dhe propozon nje vleresim te amortizimit per vitin baze te periudhes se ardhshme rregullatore.
- 6.5 Asetet rregullatore apo asetet per perdorim te ardhshem jane shpenzimet qe nuk kryhen ne menyre periodike, te cilat duhet te mbulohen nga OSSH pergjate nje periudhe kohe te caktuar. Shpenzimet jo periodike (qe nuk perseriten) perfshijne demtimet nga katastrofat natyrore dhe shpenzimet qe lidhen me aplikimet per tarife.
- 6.6 Amortizimi i aseteve do te bazohet ne studimin me te fundit te amortizimit te paraqitur nga operatori i sistemit te shperndarjes dhe te aprovuar nga ERE i cili do te tregojte jetegjatesine e aseteve sipas kategorise bazuar ne nje studim teknik. ERE do te zbatoje sistemin fiskal per llogaritjen e amortizimit per qellime te rregullimit, por mund te vendose te perdore norma te tjera amortizimi ne raste te vecanta.
- 6.7 Operatori i sistemit te shperndarjes duhet te paraqese propozime per amortizimin e aseteve jo- materiale dhe aseteve te mbajtura per perdorim te ardhshem/rregullatore. ERE do te aprovoje te gjithe planin e amortizimit.
- 6.8 Vlera e lejuar e kapitalit te punes ne asetin baze te rregulluar duhet te bazohet ne nje studim te fondeve qe kerkohen per te mbajtur nje nivel te pershtatshem te materialeve, furnizimeve dhe parave te nevojshme rezerve, per te permbushur detyrimet korrente dhe per te mbajtur llogarite minimale. Cdo studim i tille do te perfshihet ne aplikimin per cmim te paraqitur nga Operatori i Sistemit te Shperndarjes. Ne mungese te studimit, operatori i sistemit te shperndarjes mund te praqese nje vleresim te mases se lejuar te kapitalit te punes nepermjet nje evidence me shkrim duke justifikuar kete vleresim. Ne cdo rast kapitali i punes nuk do te kaloje 1/12 e Shpenzimeve Operative.
- 6.9 Norma e fitimit per operatorin e sistemit te shperndarjes nuk duhet te reflektojte ndonje aset te perftuar nepermjet dhurimit.
- 6.10 Operatori i Sistemit te Shperndarjes do te paraqese rezultatet e cdo rivleresimi te aseteve materiale qe eshte kryer ne perputhje me Ligjin Shqiptar per Kontabilitetin dhe Standartet Nderkombetare te Kontabilitetit, i cili eshte perfunduar pas aplikimit te fundit per cmim te kompanise se shperndarjes. Operatori i sistemit te shperndarjes do te paraqese nje detajim te aseteve, sipas kategorive, te perfshira ne bazen e rregulluar te aseteve, para dhe pas cdo rivleresimi.
- 6.11 ERE do te percaktojte normen e pershtatshme te kthimit mbi Kapitalit te Vet pas taksave per Operatorin e Sistemit te Shperndarjes, e cila do te jete e barabarte me normen e interesit te bonove te thesarit ne Shqiperi plus nje "prim" risku qe lidhet me natyren e biznesit te nje operatori te sistemit te shperndarjes se energjise elektrike. ERE do te perdore Capital Asset Pricing Model ose metodologji te tjera, ku ERE do te marre ne konsiderate nje numer faktoresh, duke perfshire: (1) krahasime me kompani

te tjera qe kane risk te njejte; (2) terheqjen e kapitalit; (3) kushtet aktuale financiare dhe ekonomike; (4) koston e kapitalit; (5) riskun e biznesit ; (6) politiken financiare dhe strukturen e kapitalit te kompanise; (7) kompetencen e menaxhimit; dhe, (8) historikun financiar te kompanse.

- 6.12 ERE do te percaktoje koston normalizuar te borxhit per llogaritjen e normes se interesit te komponentit te borxhit. Llogaritja e koston se normalizuar te borxhit do te bazohet ne normat e interesit per borxhin e pa paguar te operatorit te sistemit te shperndarjes. Normat e interesit te perdorura per percaktimin e kerkeses per te ardhura mund te jene ose te mos jene te njejta me normat aktuale te interesit te borxhit. Operatori i sistemit te shperndarjes duhet te tregojte qe normat e interesit per borxhin jane ne perputhje me normat tregtare te interesit per borxhin te pranuar nga kompanite e tjera me risk te ngjashem krediti. Cdo borxh i perfshire ne llogaritjen e normes mesatare te interesit te borxhit, qe ka nje norme interesi me te larte se niveli aktual i tregut, do te rregullohet ne zbritje deri ne nivelin e tregut.

7. Sherbimet dhe Grupet e klienteve

- 7.1 Operatori i sistemit te shperndarjes do te siguroje pese lloje sherbimesh: sherbimet e perdorimit te rrjetit, matja dhe leximi i matesve, shkeputja dhe rilidhja e matesve, kompensimin e fuqise reaktive, dhe sherbime per lidhjet e reja.
- 7.1.1 **Perdorimi i rrjetit** – OSSH do te siguroje akses ne rrjet per furnizuesin publik me pakice, klientet jo tarifore, furnizuesit e kualifikuar dhe PVE-te. OSSH do te vendose per keta konsumatore nje pagese kapaciteti dhe nje pagese energjie. Pagesa e energjise per furnizuesin publik te shitjes me pakice do te perfshije humbjet totale te energjise ne rrjetin e shperndarjes, ndersa pagesa per energji per furnizuesit e kualifikuar, klientet jo tarifore dhe PVE-te nuk do te perfshije humbjet jo-teknike.
- 7.1.2 **Matja dhe leximi i matesve** – OSSH do te operoje dhe mirembaje te gjitha pajisjet e matjes dhe do te lexoje matesat sic kerkohet per klientet e shitjes me pakice te lidhur ne sistemin e shperndarjes.
- 7.1.3 **Sherbimi i shkeputjes dhe rilidhjes se matesve** – OSSH, me kerkese te furnizuesit publik me pakice ose furnizuesit te kualifikuar apo me me vullnetin e tij, shkeput nje klient per mos-pagim ose per shkelje te tjera ne perputhje me rregullat e sherbimit te klientit. Rilidhja, gjithashtu , do te behet sic percaktohet ne rregullat e sherbimit te klientit.
- 7.1.4 **Kompensimi i energjise reaktive** – OSSH do te ngarkoje te gjitha klientet mbi 50 kVA per kompensimin e energjise reaktive. Llogaritja e pagesave gjate nje muaji, nese ka, jepen ne Seksionin 11 ne vijim.
- 7.1.5 **Lidhjet e reja** – Pagesa e cdo lidhjeje e re do te caktohet per klientet e shitjes me pakice ne perputhje me rregullat e lidhjeve dhe seksionin 12 ne vijim
- 7.2 Furnizuesi publik me pakice (FPP) do te kontraktoje per sherbimet e shperndarjes per llogari te klienteve tarifore. Klientet jo-tarifore, furnizuesit e kualifikuar dhe PVE-te do te faturohen individualisht nga operatori i sistemit te shperndarjes.

7.3 Klientet e shërbimit të përdorimit të rrjetit do të ndahen në grupe klientesh bazuar vetëm në nivelin e tensionit të lidhjes. Disa nëngrupe klientesh mund të krijohen brenda çdo nivel tensioni.

8. Alokimi i kostove në pagesa të përdorimit të rrjetit që lidhen me energjinë dhe kapacitetin

8.1 Çdo klient duhet të paguajë një pagesë energjie, në Leke/kWh, bazuar në numrin e kWh të levruar nga sistemi i shpërndarjes tek klienti gjatë atij muaji.

8.2 Klientet të pajisur me matës të përshtatshëm do të paguajnë gjithashtu një pagesë kapaciteti për shpërndarjen, nëse është e përshtatshme, në Leke/kW/muaj, bazuar në vlerën me të lartë të ngarkesës pikë-jo-koincidues të klientit gjatë periudhës 12-mujore që mbaron me muajin e faturimit, ose në kapacitetin kontraktual të garantuar. Për çdo tejkalim të vlerës së kërkesës pikë-jo-koincidues mbi kapacitetin e garantuar në kontratë, mund të aplikohet një gjabje.

8.3 Në një aplikim për tarifa, operatori i sistemit të shpërndarjes duhet të parashikojë për çdo grup klientesh tarife dhe jo-tarife (në n/stacionet 110/x kV, në tension të mesëm, dhe tension të ulët) informacionin në vijim:

a) Një vlerësim të kapacitetit total të levruar në kW të kërkuar për sigurimin e një furnizimi të qëndrueshëm me energji në çdo grup klientesh.

b) Energjinë totale në kWh që do të tregohet në faturat e klienteve tarife dhe jo-tarife në çdo muaj të vitit baze dhe shumën e ketyre totaleve mujore

c) Një parashikim i humbjeve në shpërndarje që i ngarkohen klienteve tarife dhe jo-tarife në çdo nivel tensioni (kosto e humbjeve do të përfshihet në pagesat për energji (koston variabel) për secilin grup të konsumatoreve).

8.4 Kostoja fikse e të ardhurave të kërkuara alokohen për çdo grup të konsumatoreve tarife dhe jo-tarife në vitin baze. Tarifa e kapacitetit, në leke për kW për muaj është:

$$P_{\text{kapacitet}} = \text{Kosto Fikse e Alokuar} / L$$

Ku, **L**- kapaciteti total i levruar, kW

8.5 Kostot që lidhen me energjinë në të ardhurat e kërkuara alokohen për çdo grup të konsumatoreve tarife dhe jo-tarife (në n/stacionet 110/x kV, në tension të mesëm, dhe tension të ulët)

Cmimi i energjisë, në leke për kWh, është:

$$P_{\text{energji}} = \text{Kosto Variabel e alokuar} / E$$

E -energjinë totale në kWh që do të tregohet në faturat e klienteve tarife dhe klienteve jo-tarife gjatë vitit baze

8.6 Kosto variabel e alokuar për klientet tarife do të përfshijë koston për sigurimin e humbjeve totale të energjisë, të ndara sipas niveleve të tensionit. Kosto variabel e

alokuar per klientet jo tarifore do te perfshije koston per sigurimin e humbjeve teknike te energjise, te ndara sipas niveleve te tensionit.

- 8.7 Per klientet matesi i te cileve mat vetem konsumin energjise elektrike aktive ne kWh, cmimi per kWh llogaritet ne menyre qe te mbuloje koston qe lidhen me kapacitetin dhe koston qe lidhen me energjine:

$$P_{\text{vetem energji}} = (\text{Kosto Fikse e Alokuar} + \text{Kosto e Variabile alokuar})/E$$

ku E = energjia totale ne kWh qe do te tregohet ne faturat perkates e klienteve tarifore dhe klienteve jo-tarifore gjate vitit baze

- 8.8 Operator i Sistemit te Shperndarjes mund te paraqese ne ERE nje aplikim per cmime te energjise pik/jo-pik ne sistemin e tarifave te perdorimit te rrjetit. Ne kete aplikim do te kete dy vlera te energjise: (i) nje qe i korespondon periudhave pik (kur humbjet e rrjetit jane me te larta dhe vlera e energjise eshte me e larte), dhe (ii) nje qe i korespondon periudhave jo-pik (kur humbjet e rrjetit jane me te uleta dhe vlera e energjise eshte me e ulet). Ne aspektet e tjera metodologjia e tarifave do te jete njelloj. Operatori i Sistemit te Shperndarjes duhet te shpjegoje ne aplikimin e tij per tarifa koston dhe perfitimet nga zbatimi i struktures se tarifave pik dhe jo pik per perdorimin e rrjetit te shperndarjes. Metoda pik/jo-pik kerkon mates me te shtrenjte qe mund te justifikohen vetem me diferencat e cmimeve pik/jo-pik per energjine e gjeneruar dhe te importuar dhe ne lidhje me cmimet pik dhe jo-pik te FPP, mund te justifikohet blerja e matesve te kerkuar.

9. Sherbimet qe lidhen me Matjen

- 9.1 OSSH do t'i ofroje sherbime te matjes furnizuesit publik me pakice dhe furnizuesve te kualifikuar.
- 9.2 OSSH do te ngarkoje furnizuesit me nje pagese per sherbimin e matjes dhe leximin e matesve per cdo klient qe furnizohet me energji nga furnizuesit. Te gjitha koston qe lidhen me instalimin, operimin, mirembajtjen, kalibrimin dhe leximin e matesve te shitjes me pakice dhe shumice do te perfshihen ne kerkesat per te ardhura te alokuara per kete sherbim, te ndara sipas niveleve te tensionit. Cmimi do te percaktohet nga pjestimi i kerkeses totale per te ardhura per nivelin e vecante te tensionit me numrin e klienteve te lidhur ne ate nivel tensioni.
- 9.3 OSSH ngarkon pagesa per nderprerjen dhe rilidhjen e matesve. Kerkesat per te ardhura per keto sherbime duhet te perfaqesojne koston mesatare vjetore per sigurimin e ketij sherbimi. Ka nje cmim ne kohen e rilidhjes qe do te perfshije koston e nderprerjes se lidhjes, e cila duhet te parapaguhet perpara se te behet rilidhja. Te ardhurat e kerkuara te alokuara per nderprerjen e lidhjes dhe rilidhjen, duhet perfshijne shpenzimet qe lidhen me punen, transportin, si dhe shpenzime te tjera administrative qe lidhen me kryerjen e ketij sherbimi.

10. Percaktimi i tarifës mesatare tavan të shërbimit të shpërndarjes

- 10.1 Per vitin baze, tavani i tarifës mesatare të shpërndarjes është i barabartë me tarifën mesatare të shpërndarjes të llogaritur në përputhje me kostot e vitit baze.
- 10.2 Per vitin e dytë të ciklit të rishikimit të tarifës të shpërndarjes (Viti 2), çdo komponent i tarifës së përdorimit të rrjetit të shpërndarjes për vitin baze shumezohet me faktorin vjetor të rregullim/korigjimit:

$$A = (1 + RPI - X)$$

A - faktori vjetor i rregullim/korigjimit

RPI - norma e parashikuar e inflacionit të çmimit të konsumatorit për Vitin 2 sipas Bankës Kombëtare Shqiptare, ose e vendosur nga ERE në bazë të prirjes së statistikave të indeksit të çmimeve të konsumatorit gjatë periudhës së 3 viteve të fundit për të cilën disponohen të dhëna historike (nga burime të INSTAT).

X - faktori i përmirësimit të efikasitetit të vendosur nga ERE

- 10.3 ERE do t'i shtojë kësaj formule një faktor të përmirësimit të performancës të bazuar në cilësinë e furnizimit të klienteve tarifore dhe klienteve jo-tarifore ose në nivelin e humbjeve të energjisë në rrjetin e shpërndarjes. Këta faktorë të përmirësimit të performancës duhen përcaktuar shumë qartë dhe thjeshtë dhe operatori i sistemit të shpërndarjes duhet të sigurojë ERE-n që është e aftë të sigurojë të dhënat për cilësinë e furnizimit që nevojiten për të matur me saktësi përmirësimin e performancës.
- 10.4 Vlera e X-it duhet përcaktuar në bazë të studimeve referuese të operatoreve të sistemit të shpërndarjes, ku shqyrtohet performanca e të paktën 3 operatoreve të sistemit të shpërndarjes gjatë një periudhe prej të paktën 3 vjetësh.
- 10.5 Faktori X do të përfshijë të paktën katër kategori të shpenzimeve: puna direkte dhe indirekte, produktiviteti i punës, prokurimi, dhe teknologjia. Teknologjia do të përfshijë implementimin e sistemeve të menaxhimit dhe pakesimin e humbjeve teknike.
- 10.6 Për çdo vit pasues të periudhës rregullatore, tarifat e shpërndarjes për vitet e mëparshme do të shumezohen me një faktor vjetor të rregullimit siç u veprua në Vitin e dytë.

11. Pagesa për Energji Reaktive

- 11.1 Kompensimi i energjisë reaktive normalisht është një shërbim ndihmes i siguar nga gjeneruesit për OST, dhe si rrjedhim pagesat për energji reaktive janë pjesë e tarifës së Operatorit të Sistemit Transmetimit. Nëse operatori i sistemit të shpërndarjes deshton vazhdimisht të përmbushi standartet e tensionit të vendosura në interkonjeksionin midis rrjetit të transmetimit dhe shpërndarjes, OST mund t'i ngarkojë operatorit të sistemit të shpërndarjes penalitete për energji reaktive. Operatori i sistemit të shpërndarjes mund të instalojë kapacitete të energjisë reaktive

ose reaktore sipas nevojës në vend që t'i paguajë penaltitete kompanisë së transmetimit.

- 11.2 Gjithashtu, operatori i sistemit të shpërndarjes ka të drejtë t'i kërkojë një klienti të rrjetit të shpërndarjes të mbajë një faktor fuqie të caktuar në pikën e lidhjes me rrjetin e shpërndarjes.
- 11.3 Klientet me kapacitet prej 50 kVA e lart paguajnë një shumë mbi vlerën e energjisë elektrike aktive në varesi të energjisë reaktive të përdorur dhe të ciluar me faktor mesatar mujor të kapacitetit me të vogël se 0.9 gjatë ditës dhe zonës së pikut ditor.
- 11.4 Sasia e energjisë reaktive të përdorur, për të cilën paguhet një shumë sipas pikës 11.3, është diferenca pozitive midis sasisë të energjisë reaktive të përdorur dhe produktit të sasisë energjisë elektrike aktive të përdorur me një koeficient korrespondues të faktorit mesatar mujor të fuqisë, sipas formulës:

$$E_{r\text{ alwn}} = E_{r\text{ used}} - (E_{a\text{ used}} \times (1 - F))$$

ku:

$E_{r\text{ alwn}}$ është sasia e energjisë elektrike reaktive në kVarh që paguhet,;

$E_{r\text{ usd}}$ sasia e energjisë reaktive të konsumuar nga klienti gjatë periudhës të ditës

$F = 0.9$, për konsumin e energjisë reaktive pa pagesë midis vlerave 1 dhe 0.9 të faktorit të fuqisë.

$E_{a\text{ usd}}$ sasia e energjisë aktive të përdorur nga klienti sipas zonave të ditës, e përcaktuar nëpërmjet leximeve të pajisjeve për matje komerciale të energjisë elektrike aktive, kWh.

- 11.5 Klientet sipas Pikës 11.3 paguajnë një shumë për sasinë e energjisë elektrike reaktive ($E_{r\text{ alwn}}$) përcaktuar sipas Pikës 11.4 me një cmim për 1 kVarh, të barabartë me [] për qind të cmimit të rregulluar të furnizimit publik për kWh energji elektrike aktive për zonën perkatese të ditës dhe nivelin perkates të tensionit.
- 11.6 Klientet sipas Pikës 11.3 paguajnë një shumë për sasinë e energjisë reaktive të ciluar gjatë orëve të pikut, të përcaktuar sipas leximeve të pajisjeve për matje komerciale, me një cmim për 1 kVarh, të barabartë me cmimin e rregulluar të furnizimit publik për 1 kWh energji elektrike aktive në pikë për nivelin perkates të tensionit.
- 11.7 Kurdo që klientet sipas pikës Section 11.3 prodhojnë energji elektrike dhe nxehtësi me cikël të kombinuar gjenerimi, ata nuk i paguajnë operatorit të sistemit të shpërndarjes një shumë mbi energjinë e ciluar reaktive të prodhuar nëpërmjet ciklit të kombinuar të gjenerimit.

12. Cmimet e Lidhjeve të Reja në Rrjetin e Shpërndarjes

- 12.1 Tarifat për lidhjen e konsumatoreve në sistemin e shpërndarjes do të miratohen nga ERE. Këto tarifa paguhën nga konsumatorët e rinj të lidhur në rrjet, nga konsumatorët

ekzistues qe kerkojne rritje te fuqise, dhe nga konsumatorët /zoterues te centraleve prodhuese te energjise elektrike (si PVE-te)

- 12.2 Klientët e rinj paguajne cmimin per lidhjen me rrjetin e shperndarjes, i cili perfshin vetem shpenzimet direkte per lidhjen e instalimeve te klientit me rrjetin e shperndarjes se energjise elektrike te kompanise.
- 12.3 Cmimet per lidhjen e pajisjeve te klientit mbi 50 kVA te kapacitetit te kontraktuar percaktohen sipas nje projekti individual dhe percaktohen nepermjet llogaritjes se shpenzimeve individuale te projektit, duke perfshire shpenzimet e nevojshme per realizimin e lidhjes midis instalimit te pajisjes dhe pikes me te afert te rrjetit perkates ne te cilin eshte e mundur te behet lidhja.
- 12.4 Cmimet e lidhjeve te reja percaktohen sipas grupeve te klienteve, dhe perfshijne nje komponent konstant dhe nje komponent variabel, te cilet aprovohen nga ERE.
- 12.5 Cmimet e aprovuara nga ERE per lidhjet nuk jane subjekt i diferencimit sipas niveleve te fuqise midis kufirit te ulet dhe te siperm te fuqise brenda grupeve respektive.
- 12.6 Komponenti konstant percaktohet per numrin minimal te grupeve te konsumatoreve ne varesi te fuqise se konsumatoreve si vijon:
 1. grupi i klienteve deri ne 6 kW;
 2. grupi i klienteve nga 7 deri 15 kW;
 3. grupi i klienteve nga 16 deri 50 kW;
 4. grupi i klienteve nga 51 deri 100 kW;
 5. grupi i klienteve nga 101 deri 200 kW;
 6. grupi i klienteve nga 201 deri 500 kW;
 7. grupi i klienteve nga 501 deri 1000 kW.
- 12.7 Operatori i sistemit te shperndarjes ka te drejte te dorezoje per aprovim ne ERE propozime per ndryshimin e grupeve te klienteve.
- 12.8 Cmimet per lidhjen e klienteve fuqia e te cileve tejkalon fuqine maksimale te percaktuar ne Piken 12.6 percaktohen mbi baze te projekteve individuale.
- 12.9 Komponenti variabel percaktohet ne baze te distances nga pajisja (facility) deri ne piken me te afert te rrjetit per tensionin respektiv, ne te cilin eshte e mundur qe te realizohet lidhja, ose tek nenstacioni i transformimit me i afert.
- 12.10 Komponenti variable eshte i barabarte me zero ne ato raste kur distanca sipas Pikes 12.9 eshte me e vogel ose e barabarte me 25 metra.
- 12.11 Pervec rasteve te Pikes 12.10, cdo meter kabell ose linje ajrore shtese do te paguhet me cmimin per grupin respektiv te klienteve, cmim ky i aprovuar nga ERE.
- 12.12 Komponenti konstant i cmimeve te lidhjeve eshte shprehje e shpenzimeve mesatare per lidhjen e nje klienti qe i perket nje grupi te caktuar dhe percaktohet nepermjet formuleve ne vijim:

$$C_{pr}(i) = \frac{\sum_{i=1} S(i) \text{ (Shpenzimet per lidhjet ne grupin i)}}{N}$$

ku:

- $C_{pr}(i)$ = cmimi i lidhjes se nje konsumatori qe i perket grupit **i** te klienteve ,
Leke;
- $S(i)$ = shpenzimet per lidhjen – shpenzimet totale per lidhjen per grupin **i** te klienteve per vitin para vitit ne te cilin eshte bere propozimi per ndryshimin e cmimit, (ne leke);
- N = numri i lidhjeve te bera per grupin **i** te klienteve per vitin pasardhes.

12.13 Komponenti fiks i shpenzimeve te lidhjes perfshin:

1. per grupet deri ne 50 kW te fuqise se lidhur: shpenzimet per furnizimin dhe instalimin e panelit te matesit (electrometer board), instalimin e sistemit te kabllave elektrike per nje distance deri 25 metra, furnizimin dhe instalimin i pajisjeve te nevojshme per qellime specifike (te vecanta);
2. per grupet nga 50 deri 200 kW te fuqise se lidhur: shpenzimet per furnizimin dhe instalimin e pajisjeve te nevojshme dhe linjave (wiring) qe nevojiten per nenstacionin e transformimit te voltazhit dhe paneli te matesit (electrometer board), instalimi dhe shtrimi i linjes per nje distance deri 25 meter, furnizimi dhe instalimi panelit te matesit (electrometer board) dhe pajisjeve te tij;
3. per grupet nga 200 deri 1000 kW te fuqise se lidhur:
 - a) shpenzimet e nevojshme per nenstacionin e transformimit te voltazhit nga pikpamja e fuqise se kerkuar, ndertimin e nenstacionit, pajisjen e tij me aparatet e nevojshme, shtrimin e linjes, furnizimi dhe instalimn e aparateve te sistemit te matje;
 - b) shpenzimet per lidhjen e nenstacionit e transformimit te voltazhit me rrjetin e shperndarjes se energjise ne tensionin perkates nepermjet instalimit te nje linje ajrore prej 1 x 25 meter ose nje linje kabllore prej 2 x 25 meter.

12.14 Komponenti variabel i cmimit per lidhjen e re perbehet nga shpenzimet per instalimin e linjes (telave) per nje distance nga pika me e afert e lidhjes se rrjetit te shperndarjes te niveleve respective te tensioneve deri ne panelin mates te klientit (per grupet deri 200 kW te fuqise se kerkuar) ose tek nenstacioni i transformimit te tensionit (per grupet nga 200 ne 1000 kW), pakesuar me shpenzimet per 25 meter linje.

12.15 Percaktimi i siperpermendur i cmimit eshte per nje lidhje me linje teke, ose e nivelit te trete (III) te sigurise se sherbimit per klientet. Ka dy nivele te tjera me te larta sigurie, Niveli II dhe Niveli I. Siguria e permiresuar arrihet nepermjet fuqizimit te mbrojtjes, duke perfshire qarqe te shumfishte ne pronen e klientit. (Kjo duhet te jete ne perputhje me Kodin e Shperndarjes).

12.16 Cmimet e lidhjes per kategorite e tjera percaktohen si vijon:

$$\begin{aligned} \text{Cpri (II)} &= 1.8 * \text{Cpri (III)}; \\ \text{Cpri (I)} &= 2.8 * \text{Cpri (III)}, \end{aligned}$$

ku:

Cpri (III) është cmimi i lidhjes për grupin e i-te të klienteve, kategoria e tretë e sigurisë, në leke;

Cpri (II) – cmimi i lidhjes për grupin e i-te të klienteve, kategoria e dytë e sigurisë, në leke.;

- 12.17 Cpri (I) – cmimi i lidhjes për grupin e i-te të klienteve, kategoria e parë e sigurisë, në leke.
- 12.18 Pagesat e lidhjes për pajisjet e reja gjeneruese të lidhura direkt me sistemin e shpërndarjes do të përcaktohen mbi baze rast pas rasti. Pagesa e lidhjes duhet të mbulojë vetëm koston e aparateve matëse dhe linjat që janë ndërtuar vetëm për lidhjen e gjeneruesit të ri me rrjetin.
- 12.19 Asetet e financuara nëpërmjet pagesave të lidhjes mund të mos përfshihen në asetin baze të rregulluar të operatorit të sistemit të shpërndarjes. Amortizimi i këtyre asetëve nuk do të mbulojë nga pagesat e përdorimit të rrjetit.

13 Afatet

- 13.1 Bazuar në këto metodologji, Operatori i Sistemit të Shpërndarjes do të dorëzojë në ERE një kërkesë për aprovimin e tarifave të reja, jo më vonë se 6 muaj para ditës në të cilën kërkohet që të hyjnë në fuqi tarifat e reja të propozuara.
- 13.2 Operatori i Sistemit të Shpërndarjes do të dorëzojë në ERE të dhëna mbi kostot e vitit të mëparshëm dhe tarifat (cmimet) mesatare sipas strukturës së shitjes, brenda muajit prill të vitit në vijim.
- 13.3 ERE, brenda muajit Maj, shqyrton këto të dhëna dhe nëse rezultojnë devijime nga kostot dhe tarifat (cmimet) e miratuara prej saj që rëndojnë klientet, vendos për rimbursimet që kompania duhet të bëjë ndaj tyre gjatë vitit pasardhës.

14 Dispozita Kalimtare

- 14.1 Periudhat rregullatore do të jenë sipas Deklaratës Rregullatore për zbatimin e metodologjive të llogaritjes së tarifave, e cila miratohet nga ERE.
- 14.2** Tarifat për periudhën e tretë të rregullimit do të bazohen në të dhënat financiare në të dhënat financiare në të përputhje me Standartet e Njejtë të Llogarive për qëllime të rregullimit të miratuara nga ERE dhe Standartet Nderkombëtare të Raportimit Financiar/IFRS.

- 14.3 Per tre periudhat e para te rregullimit objektiv i struktures se kapitalit per OSSH do te jete sipas Deklarates Rregullatore te publikuar nga ERE.
- 14.4 Vlera e lejuar e kthimit nga kapitali i vet pas takse fillimisht do te jete sipas Deklarates Rregullatore te publikuar nga ERE.
- 14.5 Per periudhen e pare rregullatore :
- (1) Struktura e tarifave te operatorit te sistemit te shperndarjes ne periudhen e pare rregullatore do te jete e njejte me ate qe egziston ne Mars 1, 2009.
- (2) Operatori i sistemit te shperndarjes mund te dorezoje nje aplikim ne ERE per rishikimin e struktures se tarifave brenda periudhes se dyte ose te trete rregullatore nese Operatori i Sistemit te Shperndarjes jep nje studim per “percaktimin e tarifes” te bazuar ne modelet e perdorimit nga klientet dhe koston e sherbimit te grupeve te klienteve te ndryshem.
- (3) Tarifat per cdo sherbim te shperndarjes do te rriten uniformisht duke u bazuar ne rritjen e kerkesave per te ardhura te periudhes se meparshme.
- 14.6 Programi per reduktimin dhe eliminimin ne nivelin me te mundshem te humbjeve te energjise eshte pergjegjesi e operatorit te sistemit te shperndarjes. ERE do te vendose targeta per reduktimin e humbjeve te energjise brenda periudhes rregullatore. Nje studim per vleresimin e humbjeve teknike sipas secilit nivel tensioni do te sigurohet nga i licensuari ne momentin e aplikimit per tarife.

15 Dispozita perfundimtare

Metodologjia e Llogaritjes se Tarifave te Operatorit te Sistemit te Shperndarjes u miratua nga Bordi I Komisionereve te ERE-s me ane te vendimit nr. 79, date 26/06/2008.